



استفانوس یاقرمة انفراد Istifaanus y'eegrma infaraad

- 01 ملىة ايقيريه هداي هدا استفانوس ارائميه «اون بريوك براه سيدك هديديته؟» ايدے۔
01 Malya ifagiiriya had'aay had'a Istifaanus araatamiya «Oon bariyook baraah sidik hadiideena?» idi.
- 02 استفانوس اري «ياروان، سناكر نهيب۔ اكواسنه واليه هوون ابراهيم اراقيب هايي، هران باباي اكااي دهاي لويته۔
02 Istifaanus aree «Y'arawaan, sinaakirnaheeb. Ukwaasana w'alya hoobuun Ibrahiim Iraageeb haayee, Haraan baabaay akaay dehaay lawiya.
- 03 اكواسنه بريوه دهاي «وهاشوكوه ادهيوكوه اشات، انه ميتياينوك وهاش اوكيك قيقا» ايدے۔
03 Ukwaasana bariyoooh dehaay «Whaashookwa udehayookwa ishaat, ani mitiyaayaniyook whaash ookiik giigaa!» idi.
- 04 افلان ابراهيم كلداني وهاش هو ي قيقايت، هرانيب كوكميه۔ بائوس اينه هرا، اون وهاش هلان هو ي تيفينيب بريوه اكورے۔
04 Aflaan Ibrahiim Kaldaani whaash hooy giigiyaayt, Haraaneeb kookamiya. Baabus iyana har'i, oon whaash hallaan hooy teefeeneeb bariyoooh ikwiri.
- 05 لاكين اكواسنه بروه نات هن هياي كيكے۔ اون وهاشي انقرات هن هياي كيكے۔ لاكين اكواسنه بروسه ائو ايسوه اون وهاش اينيوت تونه وادياي ايساباك۔ اودور بين ابراهيم اربيريبيك هن وادياي ايساباك۔
05 Laakiin Ukwaasana barooh naat han hiyaab kiiki. Oon whaashii angaraat han hiyaab kiiki. Laakiin Ukwaasana barooswa indhiwaayeeswa oon whaash iniweet toona waadiyaab ims'abaak. Oodoor beeb Ibrahiim ar biibariyeek han waadiyaab ims'abaak.
- 06 اكواسنه ابراهيم يار دور قال قريه هاشيب اكويرنه ديابو۔ بينتوي اري قفق شيب هولاب كشياب ايكوسين ايدنه، اماق ورايين ايدنه۔
06 Ukwaasana Ibraahiimiib y'ar door gaal girba haashiib ikweerna diyaabu. Beentooy aree fadhig sheeb hawlaab kishiyaab iikwasiin iyadna, amaag waraayiin iyadna.
- 07 اكواسنه اوده ي بريه اماق ورايين اري هكومه اندے ديابو۔ بيت تيناتے هر اي لاكين براه ياينيب اون وهاشيب اتيب شقامے ايدنه۔
07 Ukwaasana oodehay bareeh amaag waraayiiib aree hukwimi andi diyaabu. Beet teenaati har'ii laakiin baraah y'eetiit oon whaashiib aneeb shagaami iyadna.
- 08 ملىة اكواسنه ابراهيمي دهاي «اواديايون فايسنتيت تونه رهسته چلاي، ائدواي ارا لاديم ائكوشينيت توناتے» ايدے۔ تون توناتے، ايسهاق اسمهي امبا ايرے اودور، ابراهيم ائكوشيب۔ ملىة، ايسهاق واوروس ياقوب ائكوشيب، ياقوب اري ياريس ائمنه ملو ائكواشيب۔
08 Malya Ukwaasana Ibraahiimii dehaay «Iwaadiyaayoon faayistaneet toona rhisti jillaay, indhiwaay ar laadim itkwashiibneet toonaati.» idi. Toon toonaati, Isehaag asimhay imb'i iibiri oodoor, Ibrahiim ishkwashib. Malya, Isehaag w'ooros Yaaguub ishkwashib, Yaaguub aree y'arees itamna malu iskwaashib.

99 أن آندة أرى هوبينة. يوسف هن يهوييسون قالو، استناياس
إمودائيت كشياب إكواسنيت مسريب إدلبنة. أكواسنة لاكين قيب
إيفي-

10 كسيه إفور هابي إفرأ. أكواسنة ونيت كنانيقاب إكواسيت
فراون مسريب وهداي قيب تقيسيياي يابك. فراون مسريه كهي
هداب إكوس، كستوه بزوه إبيريت تونه أرى إسابك.

11 مليه مسريوة كنانيوه بهشيب وهريه كوئية. أكرة فور هه
أرى إكين، هويبانقة ماري تمنييت إنونه.

12 ياقوب مسريب هرؤب إيفيت تونه إكهوب، هوبينقة
هنكاب ميبس أكاي مسر استوب.

13 اودور أمله إدفنت تمسافة يوسف استنايس إتوگان، فراون
هن يوسف إنذوه إكن.

14 يوسف بابوس ياقوبه كسيه ذوايس وليكية. براه كساه
أسرمة تمونوه أي دههي إيكين إيفين.

15 ياقوب مسري دههي إيه مليه هوبين إيزويت بزوه هن
هوي إيه.

16 كساه أرى تقناداتاسنة شينكم اوكيك إتفاكنة. إبراهيم
هاموري اي إدلب إيهنيت وهاشيب أرى إتواسنة.

17 اودور أكواسنة إبراهيم هيب إيكينيب إواديه إيه. بين
اودور أدهيون مسريب فوداب أكاي إيفين.

18 مليه وير هدا مسر يهكم، يوسف أرى بزوه كين.

19 أون وهدا هوبينقة إيتل أماق ورايه. أفرأيوسنة براب
إشته سدابت، ملياب أفرأي إين.

20 بين اودوريب موسه إفره. بزوه ونيت داوره جنا، مهيه
ترقة إفرؤياس قيبوسنة إسهمنة.

21 ملياب بزوه براب إشته داوي هوي إتهراونه، وهدايت
أوت أرى تمریت اؤروس تگواس.

22 موسه ونيت دايه تاليم مسريب تاليمية. بزوه ونيت أكرة
تک هديتنابو.

23 موسه فثق تمون هولة إداهوب، إنذوايس ياسر إيله
إشتميت تونه يهرو.

99 Aan aanda aree hoobeen. Yuusif han
yhoobeesoon gaalu, isanaayaas imood'aniit
kishiyaab ikwaasniit Masreeb idlibna.
Ukwaasana laakiin geeb iifi.

10 Kasseeh igwirhaayee ifr'a. Ukwaasana
winneet kanaaniigaab ikwaasiit Fir'uun
Masreeb whad'aay geeb tageegsiyaay y'abik.
Fir'uun Masri kehii had'aab iikwas, kastooh
baruuh iibriyeet toona aree is'abik.

11 Malya Masreebwa Kan'aaneebwa
yhasheeb wharri kwidhiya. Akra gwirha aree
ikeen, hoobiyaanga m'ariit tamiiniit inawna.

12 Yaaguub Masreeb harroob iifiyeet toona
ikanhoob, hoobiyeenga hankaab mabayees
akaay Masir istoob.

13 Oodoor umalya idifneet timasaafa Yuusif
isanaayees itookkaan, Fir'uun han Yuusfiib
indhiwa ikan.

14 Yuusif baaboos Yaaguubwa kasseeh
dhiwaayees waliikiya. Baraah kassaah
asarama tamuunwa ay dehay iiktiin iifiin.

15 Yaaguub Masree dehaay eeya malya
hooben eeraweeet baruuh han hooy iyiya.

16 Kassaah aree tigenaadaataasna Sheekeen
ookiik itfayaakna. Ibraahiim
Haamuuriyaayee idlib iyhaneeb whaashiib
aree itoobaasna.

17 Uudoor Ukwaasana Ibraahiim hiyaab
iiktiyeeb iwaadiya eeya. Been oodoor
udehayuun Masreeb gwidaab akaay iifiin.

18 Malya weer had'a Masir yhakim, Yuusif
aree baruuh kiikan.

19 Uun whad'a hoobiyeenga iitil amaag
waraayi. Oofraayoosna barraab ishti sid'iit,
malyaab uufraay iyiin.

20 Been oodooriib Muusa ifri. Baruuh
winneet daawri jinaa, mhay tirga ifarooyaa
geeboosna ishamna.

21 Malyaab barooh barraab ishti d'uuy hooy
iteharraawna, whad'aayt oot aree timriit
ooroos tikwaas.

22 Muusa winneet daayi t'aliim Masreeb
t'aliimamiya. Baruuh winneet akra tak
hadiidanaabu.

23 Muusa fadhig tamuun hawla id'ihooob,
indhiwaayees Y'israa'iili iishtameet toona
yhariw.

24 إمبایب قال مسرے قال بریسوہ اُماق وراپی رھیہ۔
اُمسرے اِدرت برؤہ اِشِدْهَن۔

25 مُوسے اُدھیسو اُوراو اُگواسنہ بریہ اِشِدْهینے چَلای ہای
یاب اِیکتیبت تونہ اِکتیبت ہیسیہ۔ براہ لاکین کیکتہ۔

26 اومبا اُوراو ملوب اِنڈواییسوس فِناسمی رھیہ، اِیتیک اُری
اِیل اِدا۔ برؤہ بیہانہ، براکنہ مہلاکنہ اِسر اِیلیبانہ، نانھوی بک
تکتکے دھای اُماق نیاتینہ؟ اِدے۔

27 لاکین اوتک اوفنہ بدویاب موساب ہرا اُکوت ملیہ اُو
برؤک ہاکمؤن اُگواس ہوک، اُو قادیب اُگواس ہوک؟

28 اُرو اُمسرے تدریت تونایت اُنیب ہن اِدارھیب تندیہ
ہن؟ اِدے۔

29 مُوسے اِین اِبھلے اِماسو اودور، میدیان و ہاشیب اُگورے
چَلای اِفدین قیقیہ۔ یاراس اِملو بینتوی اِفرینہ۔

30 فڈق تُمون ہولایے ہرا، برؤہ مَلک بُوبے ہندے تاپیتب
تُسبوتیب سینی اُورباي در دھای لویہ۔

31 مُوسے تون تونہ رھیہ اودور وتیت اُجیمیہ۔ اِبات اِدول
اِشِب، اُگواسنہ اُری،

32 اُنے ہویاک اِبراہیمو، اِسہاقو، یاقوبو اِیدننِب
و اُنکونایو اِدے۔ مُوسے کنتیہ و ہندے اِیشیبی دھای اُدقرا ب
کیکے۔

33 اُگواسنہ موسای دھای «تَقَاتیک نِشا، اومہین برؤک ہوی
تَقَدیب اُلیہ ہاشو۔

34 اُنے اُدھیے مسریب اُماق اُتورین تیلیباتیسے رهن۔
تواوتوسنہ اُماسو اکای بریہ اِشِدْهینے چَلای یابو۔ اونتاً مسر اُقر
اِنفے ہوکے۔ اِدے۔

35 اُون موساب اُدھیسو اربنہ اُو ہاکمؤنہ قادیون اُگواس
ہوکے؟ اِیدننِبو۔ اُگواسنایے مَلک یھندیے بتکی موساب
بھلیسمیان۔ اُگواسنہ مسے اَمَلک مُوسے اودھیوہ اُمالھیسو
اِشِدْهینے چَلای اِیشتمنی دھای اِینہ۔

36 مسروہ اوبھر و اُدرویوہ اُمنقابیوہ اُوجساتوہ الامات
اُگواس، مسے فڈق تُمون ہولہ اوکیک مسریب و ہاشی اِفرات
اُگواس۔

24 Imb'eeb gaal Masri gaal bareesooH amaag
waraayee rhiya. Umasri idirt barooh
ishidhhan.

25 Muusa udehayuus uuraaw Ukwaasana
bareeh ishidhhiini jillaay haay y'aab iiktiyeet
toona iktiinneeb hiisiya. Baraah laakiin
kiikanna.

26 Oomb'i ooraaw maloob indhiwaayeesoos
finaasamee rhiya, eebtik aree adil id'i.
Baruuh <Yhaana, baraakna mhallaakna
Israa'iliibaana, naanhooy bak taktakee
dehaay amaag niyaatteena?> idi.

27 Laakiin uutak oofna badooyaab Muusaab
har'a ikwit malya <Aaw barook haakmoon
ikwaas hook, aaw gaadiib ikwaas hook?

28 Iru Umasri tidireet toonaatiit aneeb han
idaarheeb tindiya han?> idi.

29 Muusa een ibhali imaasiw oodoor,
Miidyaan whaashiib ikwiiri jillaay ifdin
giigiya. Y'araas imalu beentooy ifreena.

30 Fadhig tamuun hawlaayi har'i, barooh
malak buubi hindi t'iiteeb tusabbootiib
Siinaay oorbaay dar dehaay lawiya.

31 Muusa toon toona rhiya oodoor winneet
ajjabamiya. Ibaayt idwil ishbiib, Ukwaasana
aree,

32 <Ani hoobaak Ibraahiimwa, Isehaagwa,
Yaaguubwa y'ibidneeb W'ankwanaayu> idi.
Muusa katatiya whindi iishbibe dehaay
adgiraab kiiki.

33 Ukwaasana Muusaay dehaay
<Tigidh'aateek nash'aa, uumhiin baruuk hooy
tingadiyeeb alya haashu.

34 Ani udehayi Masreeb amaag atweeryee
tiliiliyaateesi rhan. Tiwaawtoosna amaasiw
akaay bareeh ashidhhiini jillaay y'aabu.
Oont'a Masir agir eefi hooka.> idi.

35 Oon Muusaab udehayoos iribna <Aaw
haakmoonwa gaadiyoon ikwaas hooka?>
iidneebu. Ukwaasanaayi malak yhindiiyi
bitkay Muusaab bhaliisamiyaan. Ukwaasana
masi umalak Muusa oodehaywa umaalhiyoos
ishidhhiini jillaay iishtamnee dehaay eeya.

36 Masirwa oobhar w'adarooywa
umingaayiibwa m'uujisaatwa alaamaat
ikwaas, masi fadhig tamuun hawla ookiik
Masreeb whaashii ifir'at ikwaas.

37 مُوسَة يَاسِرِ اِيلِے دَهي سَوِيَاب «أُكُواسَنَة قَال أَدَهييَسُو كَنَة وَاسِے اِنْدَے، اَوْن اُنْتِيب اِكُواسِيب تَوْنَاتِيب نَبِيب اِكُوَسِے اِنْدَے» اِدِيب بَرُوَسُو.

38 مُوسَة اَدَهيون تُسَبُوْتِيب اِشَاوَوِے، اَمَلَك اَرَى اَوْرَبَايِ سِينَايِ بَرُوَه بَهْلِيسَمِيَة- بِنْتَوِي اَرَى اِنْنِ اِبَهْلِے اِمْدَهْن اِيُو اِنِّيُوَايِ، بِنْتَوْن هَسِيَة.

39 لَاكِيْن هُوْبَان بَرُوَه سِنَاكَرَاب كِيكِيْن- بَرُوَه اِرْبَنَة، مَسِر مَاقِيرْت يَهْرَوْنَة.

40 اُوَدَهي هَارُونِي دَهاي «سَنَمَاب قَلِب دَهْوَن دَايَة مَالِهِيْب اِكْتِيْن- مُوسَة مَسِرَى اِسْفَرَا هُوْن، اَوْنَتَا لَاكِيْن نَان دَهاي لَوْنَتِيب نَقَم» اِدِيب.

41 بِنَهوُب سَنَم لَقَايْت هَيَاتِيب اِدَايْنِ، اَوْن اَلَقَة كَرَامَات دَهاي اِبْفِرَانَة، اَوْن اَشْقَايُوَسَنَة اِدَايَانِيب اَرَى وَنَيْت هُوِي اَنْفِرَاهَاب اِيكْتِيْن.

42 اُكُواسَنَة تَسِرْتِيسِ اُوَدَهي يَهِيْت يَاشِ اِدَا- مَلِيَة يَهِيكُو تَبِرْتِيب اِبْفِنْ يَأْبَدَنَة- اَوْن اُوَكْتَاب اِنْبِيَايِے اِنْدِيبِت تَوْنَاتِيب «يَاسِرِ اِيلِے، بَرَاكَنَة اَمْنَقَايِيب يَهَوْلَة اِفْتَقْ تَمُونِيب كَرَامَات دَهَة فِرَاب كَتِيْنَة» اِنْدَے اُوَكْتَاب.

43 «بَرَاك اَسَنَم مَوْلِيَك يَأْبَدِيبِت اَوْمَهِيْن اَوَكِيَك اَقُوَايِنَكَنَة يَكْسِنَاتَنَة، وَهِيُوَكُو اَسَنَمَوَكَنَة رِيْفَانَوَة- اِنْنِ اَسَنَمَة شَقَامَاتِيب مَلِيَة تَأْبَدَنَة- اَوْنَتَا اُنْے بَرِيكَنَة بَايِلُونْ هَرَايِ دَهاي اِسُوْدِف هُوَكَنَة اِنْدَے» اِدِيب.

44 اَمْنَقَايِيب هُوْبَان اُكُواسَنَة هُوِي يَأْبَدِيبِت تُكْهِيْمَة قِيْب اِبْفِيْن- تَان بَتَاه مَسِے تُكْهِيْمَة اُكُواسَنَة مُوسَاب اِسْتَكُوِيْت بَتِيسَنَة- بَتَاه مَسِے مُوسَة رَاهَاب اِيكْتِيبِت كَهِيْمَاتَة.

45 مَلِيَة هُوْبِيْن اِنِّيُوَايِنَة، بَرَاه يَشُوَاب اِبْبِيْنِے دَوْر قِيْبُوَسْ هَاي قِيْبِيْن- اُوَدَهي اُكُواسَنَة بَرِيْبُوَه جَلَايِ قِيْقَسِيْب اَمَهِيْبُوَسْ اَرَى تَيْنِ تُكْهِيْمَة اِدَارَنَة- هُوْبَان تَيْنِ تُكْهِيْمَة وَهَدَا دَاوِدِيب اَدَمَان اَوَكِيَك اِبْبِرِيْن.

46 دَاوُد اُكُواسَنَة اَفْرِ هَسِيَايِ اِدَايْتِ، بَرُوَه يَأْقُوْبِے هُوِي سِيْلِيْلِيْنِے قُوِے دَاوْر اَرَاتَمِيَة.

47 لَاكِيْن وَهَدَا سُلْئِمَان بِيْنِ اَوْقُو اُكُواسَنَايِ دَهاي اِتْكَوَكُو اِدَا.

37 Muusa Y'israa'iili dehay sooyaab «Ukwaasana gaal udehayiisookna waasi indi, oon aneeb ikwaaseeb toonaatiit nabiib iikwasi indi.» idiib baroosu.

38 Muusa udehayoon tusabbootiib ishaawawi, umalak aree oorbaay Siinaay barooh bhaliisamiya. Beentooy aree een ibhali imidhhan iyaw ittiyeewaay, beeton hassiya. 39 Laakiin hoobaan barooh sinaakraab kiikeen. Barooh iribna, Masir m'ageert yhariwna.

40 Udehay Haaruunii dehaay «Sanamaab galib dehoon d'iya maalhiib ikatiin. Muusa Masree isfar'a hoon, oont'a laakiin naan dehaay lawtaneeb nigam.» idiin.

41 Beenhoob sanam lagaayt hay'aatiib id'iin, oon ulaga karaamaat dehaay iifir'ana, oon ushagaayoosna idayaaneeb aree winneet hooy anfirhaab iiktiin.

42 Ukwaasana tisarattes oodehay yhiit y'ish id'i. Malya yhayikw tibreeteeb efeen y'abidna. Uun uuktaab inabiyaayi indiyeeet toonaatiit «Y'israa'iili, baraakna umingaayiib yhawla ifadhig tamuuniib karaamaat deha fir'aab kitteena.» indi uuktaab.

43 «Baraak usanam Mooleek y'abidneeb oomhiin ookiik ugawaayeeekna yaksitaana, whayuukw usanamookna Reefaana. Een usanama shagaamtaaniit malya t'abidna. Oont'a ani bareekna Baabiiloon har'ii dehaay isuudif hookna andi.» idi.

44 Umingaayiib hoobaan Ukwaasana hooy y'abidneet tukheema geeb iifiin. Taan bataah masi tukheema Ukwaasana Muusaab istakkwweet bateesta. Bataah masi Muusa rhaab iiktiyeet kheemaata.

45 Malya hoobeen ittiyeewaayna, baraah Yashuu'aab iibiini door geeboos haay giigiin. Oodehay Ukwaasana bareeyooh jillaay giigsiyeeb umhiinoos aree teen tukheema iid'irna. Hoobaan teen tukheema whad'a Daawidiib udamaan ookiik iibriin.

46 Daawid Ukwaasana afirhisiyaay id'iit, barooh Yaaguubi hooy siileeleeni gawi d'uur araataamiya.

47 Laakiin whad'a Suleemaan been oogaw Ukwaasanaay dehaay itkwikw id'i.

48 مَسِيءَ اُكُواسَنَةِ اِتَّقِيْقَةِ، دَهِي دَارَابِ اِكْتِي قَوِيْبِ كَدَابِيَةِ- اِيْنِ
بَرِيَهْ اُنْبِيَهْ اُكُواسَنَةِ بَهْلِيْسَمِيَةِ اُوْدُوْر دِيَاَبُو،

48 Masi Ukwaasana Utageega, dehay d'iraab
ikati gawiib kadaaya. Een bareeh Unabi
Ukwaasana bhaliisamiya oodoor diyaabu,

49 < تَابِرِيَهْ تَهْدَايِيْتِي كُرْسِيَةِ،
تُوْبُوْتِ اُرِيْ اِرْقَدَايِيْتِي مِيَاْتُو،
كَاكْ تَايِيْتِي قُو دَهْمَةِ اِبْدَارِ تِنْدِيَةِ؟
كِيِيَهْ هَااشِيِبِ اُرِيْ اِيْتُوْبِيْسِ اُنْدِيَهْ؟
50 اُنِي نَااتْكَ اَكُوَاَس- >

49 < Taabri tehad'aayeeti kursiya,
tuuboot aree iragadaayeeti miy'atu,
kak t'iiti gaw deha iid'ir tindiya?
Keeya haashiib aree ituubis andi?
50 Ani naatka akwaas.>

51 بَرَاكْ وَاَمَاقْ نِيَايُوَهْ، يَاكُرَهْ قِرْمَايَةِ- كَسُوْهُوْبِ اِيْشُوْكَ اِتَّقِيْقَةِ
فِنَاتِيْنَتِيَهْ، هُوْبَاكْنَتِيَهْ هُنْ سُوْر وِيْرَابَتِيَهْ.

51 Baraak w'amaag niyaaywa, y'akra
girmaaya! Kassoohoob Eeshuuk Itageega
finaateena, hoobaakna han suur weeraaba.

52 قَاَلْ نَبِيَهْ بَابَاكْنَتِيَهْ اَمَاقْ وِيْرَابِ بِيْكَايِيْنِيْبِ اِيْفِيَهْ اِكْتِيَهْ؟ اِنْبِيَةِ
اُوْنَقَاَلْ اُكُوَاَسَنَةِ اِسْنَاكِيْرِيَهْ اَيِ سُوْيِيْنِ اِدَارَنَتِيَهْ- اُوْنَتَا اُرِيْ بَرُوَهْ
تُوْنَتَايِيْتِي تِيْدِرَنَتِيَهْ.

52 Gaal nabi baabaakna amaag weeraab
biikaayneeb eefi ikati? Inabiya oongaal
Ukwaasana isnaakiiri aay sooyiin idaarna.
Oont'a aree barooh nuuntaaniit tidirna.

53 اُكُوَاَسَنَايِيَهْ اِمْلَاكْ هَقْ سُوْيَاَهُوْكَنَتِيَهْ، لَاكِيْنِ سِنَاكَرَابِ كَتِيْنَتِيَهْ- >
اِدِيَهْ-

53 Ukwaasanaayi imalak hag sooyaahookna,
laakiin sinaakraab kitteena.» idi.

اِسْتِفَاانُوْسِيْتِ تُوْيَتِ

Istifaanuusiit tooyat

54 اَمَجْلِيْسِيَهْ دَهْ اِسْتِفَاانُوْسِيْبِ اِبْهَلِيَهْ اِمَاَسُوْهُوْبِ، وَتِيْتِ يَهْسِيْنِ
قَدِيْبَاْنِ-

54 Umajlisi da Istifaanuusiib ibhali
imaasiwnaahob, winneet yhaseen
gadabiyaan.

55 لَاكِيْنِ اِسْتِفَاانُوْسِ بِيْنِ اِيْشُوْكَ اِتَّقِيْقَةِ اِنْبِ- تِيْبِرِيَهْ اِشْبِيْهُوْبِ،
اُكُوَاَسَنَةِ اَلِيَاَبُوَهْ يَسُوْاْ وَنَهْ اَمِيْقُوْدِي دَهَايِ قَدِيْ رَهِيَتِيَهْ.

55 Laakiin Istifaanuus been Eeshuuk Itageega
itab. Teebri ishibihoob, Ukwaasana
Alyaabwa Yasuu'a wa na umiigwadii dehaay
gadee rhiya.

56 اِسْتِفَاانُوْسِ بَرِيْنِيُوَهْ دَهَايِ «تِيْبِرِيَهْ قَدَقْتِ اُكَايِ رَهِيَهْ،
وَاَدْمِيَهْ اُوْر اُرِيْ اُكُوَاَسَنَايِ مَبْقُوْدِي دَهَايِ اِنْقَدِيْ رَهِيَهْ- > اِدِيَهْ-

56 Istifaanuus bareeyooh dehaay «Teebri
fadagt akaay rhani, W'aadami Oor aree
Ukwaasanaay maygwadii dehaay ingadee
rhani.» idi.

57 اَمَجْلِيْسِيَهْ دَهْ اُكْرَابِ بَهْلِيْبَاْنِ، يَانْقُوْلِيْسَنَتِيَهْ يَابَكْنَتِيَهْ- قَاَلْ دُوْر
هَدَاَبِ اُرِيْ اِسْتِفَاانُوْسِ اِيْتَاَتِيَهْ-

57 Umajlisi da akraab bhaliyaan,
y'angwileesna y'aabikna. Gaal door hiddaab
aree Istifaanuus iith'ana.

58 بَرُوَهْ تَمْدِيْنَاتِي اِفْرَانِيْتِ اُوْيِيْ قَدِيْبَاْنِ- اُوْدَهِي بَرُوَهْ قُوْسِرِي
بِدَهَا اِيْفِيْنِ، يَهْلَاكَايِيْسَنَتِيَهْ سَاوُلِ اَتُوْسِيْمَابِ تَكِيَهْ رَقْدَايِيَهْ وَهِي
دَاَسِيَاْنِ اِدَايِيْنِ-

58 Barooh tumadiinaatii ifir'aniit aweeyee
geediyaan. Uudehay barooh gwisree bidehaa
iifin, yhalaakaayeesna Saa'uul atoosimaab
taki ragadaayi whii daasiyaan id'iin.

59 بَرَاَهْ بَرُوَهْ قِيْدِيْ اُكَايِ، اِسْتِفَاانُوْسِ سِيْلِيْلِيَةِ «وَأَنْكُوْنَتِيَهْ يَسُوْاْ،
اِشُوْكَ تُوْنَمَايَتِيَهْ- > اِدِيَهْ-

59 Baraah barooh geedee akaay, Istifaanuus
siileeliya «W'ankwana Yasuu'a, ishuuki
nuunamaaya.» idi.

60 مَلِيَهْ بَرُوَهْ اِنْقَدْفَايِيْسِ كَهِي دُبِيَايْتِ «اُكُوَاَسَنَتِيَهْ، تُوْنِ تُوْمَاقْ
دَهَايِ بَاْاَبِيَكْتِيَهْ- > اِدِيَهْ- اِيْنِ اِدِيْتِ هَرِي شَاوْتِيَهْ اِيْبِيَتِيَهْ-

60 Malya baruuh igindhifaayees kehii
dhibiyaayt «Ukwaasana, toon toomaag
dehaay baa'abiika!» idi. Een idiit har'ii
shaawti iyiya.